

Araling Panlipunan

Unang Markahan - Modyul 1 Linggo 1: Konsepto ng Bansa



Paunawa hinggil sa karapatang – sipi. Isinasaad ng Seksyong 176 ng Batas ng Pambansa Bilang 8293: Hindi maaaring magkaroon ng karapatang-isip sa ano mang akda ng Pamahalaan ng Pilipinas. Gayon pa man, kailangan muna ang pahintulot ng pamahalaan o tanggapan kung saan ginawa ang isang akda upang magamit sa pagkakakitaan ang nasabing akda. Kabilang sa mga maaaring gawin ng nasabing ahensiya o tanggapan ay ang patawan ng bayad na *royalty* bilang kondisyon.

Ang mga akda / materyales (mga kwento, seleksiyon, tula, awit, larawan, ngalan ng produkto o *brand names*, tatak o *trademarks*, atbp.) na ginamit sa aklat na ito ay sa nagtataglay ng karapatang-ari ng mga iyon. Pinagsikapang mahanap at mahingi ang pahintulot ng mga may karapatang-ari upang magamit ang mga akdang ito. Hindi inaangkin ni kinakatawan ng mga tagapaglathala (*publishers*) at may-akda ang karapatang-aring iyon.

Inilathala ng Kagawaran ng Edukasyon – Division of Valencia City
Schools Division Superintendent: Rebonfamil R. Baguio

Development Team of the Module

Author:	Anthony Sol F. Macatana
Editor:	Nicolasa R. Taronzon
Reviewers:	Cecil A. Inggotan, PSDS Susan Alavanza Chona H. Dilangen
Illustrator:	Fernando A. Ombayan
Evaluator:	Tina Marie F Apdohan
Layout Artists:	John Rimmon I. Taquiso
Management Team:	
Chairperson:	Rebonfamil R. Baguio <i>Schools Division Superintendent</i>
Co-Chairperson:	Eugene I. Macahis, Jr. Asst. Schools Division Superintendent
Members:	Jayvy C. Vegafria, CID Chief ES Ruel C. Duran, EPS – Araling Panlipunan Analisa C. Unabia, EPS – LRMS Joan Sirica V. Camposo, Librarian II Israel C. Adrigado, PDO II

Inilimbag sa Pilipinas ng:
Department of Education - Division of Valencia City
Office Address: Lapu-lapu Street, Poblacion, Valencia City 8709
Telefax: (088) 828-4615
Website: deped-valencia.org

Araling Panlipunan

Unang Markahan - Modyul 1 Linggo 1: Konsepto ng Bansa

Ang kagamitan sa pagkatutong ito ay magkatuwang na inihanda ta sinuri ng mga guro mula sa mga pampublikong paaralan. Hinihikayat namin ang mga guro at ibang nasa larangan ng Edukasyon na mag-email ng kanilang puna, komento at rekomendasyon sa Kagawaran ng Edukasyon sa region10@deped.gov.ph.

Lubos naming pinapahalagahan ang inyong mag puna at rekomendasyon.

Panimula

Maligayang bati, mahal naming mag-aaral!

Isang panibagong kaalaman na naman ang iyong matutuklasan sa araw na ito.

Ang **Modyul** na ito ay sadyang ginawa upang ikaw ay matuto. Layunin nitong tulungan ka sa iyong pag-aaral kahit nasa bahay lamang. Ang mga aralin at mga gawain na napapaloob ay sadyang idinisenyo batay sa iyong kakayahan at angking talino.

Sa modyul na ito ay matutunan mo ang konsepto ng isang bansa at ang mga katangian nito.

Nawa ito ay iyong magustuhan at magkaroon ka sana ng kasiyasyang karanasan sa pag-aaral!



Mga Tala Para sa Guro

Gabayan ang mga mag-aaral sa pag-gamit ng Modyul sa Araling Panlipunan na isinadya para lamang sa Ikaapat na baitang.



Alamin

Sa araw na ito ay pag-aaralan mo ang konsepto ng isang bansa at ang mga katangian nito.

Ang layunin sa iyong pagkatuto ay:











1. Natatalakay ang konsepto ng bansa.
2. Nakakapagbigay ng halimbawa ng bansa.
3. Naiisa-isa ang mga katangian ng bansa.
4. Napangangatwiran na ang Pilipinas ay isang bansa.


Paano matuto sa Modyul na ito:

Upang makamit ang layunin na inilalahad sa itaas, gawin ang mga sumusunod na hakbang:

- Basahin at unawain nang mabuti ang aralin.
- Sundin at gawin ang inilalahad na panuto sa bawat pagtataya at pagsasanay.
- Sagutin ang lahat na pagtataya at pagsasanay.

Icons sa Modyul na ito

	Alamin	Ang bahaging ito ay naglalaman ng layunin sa pagkatuto na inihanda upang maging gabay sa iyong pagkatuto.
	Subukin	Ito ay mga pagsasanay na sasagutin upang masukat ang iyong dating kaalaman at sa paksang tatalakayin
	Balikan	Ang bahaging ito ay may kaugnayan sa nakaraang aralin at sa iyong bagong matututunan
	Tuklasin	Ipakikilala ang bagong aralin sa pamamagitan ng gawaing pagkatuto bago ilahad ang paksang tatalakayin
	Suriin	Ito ay pagtatalakay sa pamamagitan ng gawain sa pagkatuto upang malinang ang iyong natuklasan sa pag-unawa sa konsepto.
	Pagyamanin	Ito ay mga karagdagang gawain na inihanda para sa iyo upang ikaw ay magiging bihasa sa mga kasanayan.
	Isaisip	Mga gawaing idinisenyo upang maproseso ang inyong natutunan mula sa aralin.
	Isagawa	Ito ay mga gawaing dinisenyo upang maipakita ang iyong mga natutunan na kasanayan at kaalaman at ito ay magamit sa totoong sitwasyon.
	Tayahin	Ang pagtatayang ito ay ginamit upang masusi ang inyong antas ng kasanayan sa pagkamit ng layunin sa pagkatuto
	Karagdagang Gawain	Ito ay mga karagdagang gawaing pagkatuto na dinisenyo upang mas mahasa ang iyong kasanayan at kaalaman.



Subukin

Upang matukoy ang iyong kaalaman ukol sa aralin para sa araw na ito, subukan mong sagutin ang gawain sa ibaba.

Panuto: Isulat sa patlang ang I kung ang mga sumusunod na pahayag sa ibaba ay tama at M kung ito ay mali.

- ___ 1. Mga taga ibang bansa ang namamahala sa Pilipinas.
- ___ 2. Ang Pilipinas ay matutukoy na isang ganap na bansa.
- ___ 3. Walang katiyakan ang hangganan ng teritoryo ng ating bansa.
- ___ 4. Malawak na lupain lamang ang sakop ng teritoryo ng Pilipinas.
- ___ 5. Hindi kasali sa pag-aari ng bansa ang karagatan at himpapawid.
- ___ 6. Ang pamamahala ng Pilipinas ay pinakikialaman ng ibang bansa.
- ___ 7. Isang bansang may ganap na kalayaan kung maituturing ang Pilipinas.
- ___ 8 .Binubuo ng mahigit 10,000 libong katao lamang ang populasyon ng ating bansa.
- ___ 9. Kawalan ng pamahalaang nangangasiwa ay isang elemento ng pagiging isang bansa.
- ___ 10. Tao, teritoryo, pamahalaan at soberanya o ganap na kalayaan ang mga elemento sa pagiging isang bansa.

Aralin

1

Konsepto ng Bansa

Isang maligayang pagbati sa inyung pagtuntong sa Ikaapat na baiting!

Sa Ikatlong Baitang, naatukoy at mas napalalaim ang inyong kaalaman sa kinabibilangang rehiyon. Dito mas napapahalagahan nating ang bawat impormasyon sa Rehiyon Diyes na bumubuo sa bawat pagkatao ng lahat ng mamamayan sa sariling rehiyon.

Bilang isang bata, ikaw ay malayang nagagawa ang gusto mo tulad ng paglalaro, pagpapahayag ng sariling opinion at pag-aaral upang mas mapabuti ang sariling kakayahan. Ang lahat ng ito ay malaya mong nagagawa dahil ikaw ay nakatira sa Pilipinas, isang malayang bansa.

Sa simulang aralin ng yunit na ito ay higit na makikilala mo ang konsepto ng isang bansa. Nakapaloob dito ang pagtalakay sa mga elemento ng bansa, pagbibigay ng mga halimbawa nito at ang mga katangian na ang Pilipinas ay sadya ngang isang bansa.

Ang mga paksang ito ang dapat nating alamin.



Balikan

Sa anong rehiyon matatagpuan ang probinsya na iyong kinabibilangan? Ano-ano ang bayan o lungsod na nasasakupan ng iyong probinsya? Dapat palagi natin iyang pakatatandaan.



Tuklasin

May mga katanungan si Daryo, ano kaya sa palagay mo ang mga kasagutan nito?

Ano ang konsepto ng isang bansa?

Bakit tinatawag na isang bansa ang Pilipinas?

Paano masasabi na ang isang lugar ay isang bansa?



www.seasite.niu.edu/Tagalog/modules_in_Tagalog/mga_katangian_ng...

Magkakaroon ka ng karagdagan at mas malalim na kaalaman sa susunod na mga pahina.



Suriin

Pag-ukulan mo ng kaunting panahon ang pagbabasa sa mga sumusunod upang mas mapalalim ang iyong kaalaman.

Ang *bansa* ay lugar o teritoryo na may naninirahang mga grupo ng mga tao na may magkakatulad na kulturang pinanggalingan kaya makikita ang iisa o pare-parehong wika, pamana, relihiyon at lahi.

Ang lugar ay maituturing na bansa kapag mayroon itong apat na elemento upang kilalanin itong bansa o estado. Ang apat na elemento na ito ay, tao, teritoryo, pamahalaan at ganap na kalayaan o soberanya.

Mga Elemento ng Pagiging Isang Bansa


Tao



<https://brainly.ph/question/1064375>

Tao, mga grupong naninirahan sa loob ng isang teritoryo, mga mamamayang gumagalaw sa isang lipunan at siyang bumubuo sa pupolasyon ng isang bansa.

Teritoryo



<https://satellites.pro/Philippines>

Ang *teritoryo* ay isang mahalagang elemento ng estado. Ito ay tumutukoy sa lawak ng lupain na tinitirhan ng mga tao, kasama na ang katubigan, ilalim ng dagat, himpapawid at kalawakan sa itaas nito. Bukod sa pagiging tirahan, ito rin ang pinamumunuan ng pamahalaan.

Pamahalaan



https://en.wikipedia.org/wiki/Congress_of_the_Philippines

Ang *pamahalaan* ay isang organisasyon na may kakayanan na gumawa at magpatupad ng batas sa isang nasasakupang teritoryo. Ito rin ay may kapangyarihan na magbigay ng mga pangangailangan ng mga mamamayan ng nasasakupang teritoryo. Layunin nito na magtatag ng kaayusan at mapanatili ang isang sibilisadong lipunan.

Soberanya o Ganap na Kalayaan



<https://www.history.com/this-day-in-history/philippine-independence-declared>


Ang soberanya o ganap na kalayaan ay ang pang-apat na elemento ng isang Estado. Ang soberanya ay ang pagkakaroon ng isang bansa ng kapangyarihang makapag-sarili at pamahalaan ang buo nitong nasasakupan. Ito ang pinakamataas na kapangyarihan ng Estado upang magpatupad ng kagustuhan nito sa pamamagitan ng mga batas.

Mayroong dalawang anyo ng soberanya—panloob at panlabas. Ang *panloob na soberanya* ay ang pangangalaga ng sariling kalayan. Ang *panlabas na soberanya* naman ay ang pagkilala ng ibang bansa sa kalayang ito.

Kung nagkulang sa isa o higit pa sa alinman sa apat na binanggit na elemento o katangian ng pagiging isang bansa, hindi ito kaylanman matatawag na isang bansa. May mahigit 200 na bansa ang nagtataglay ng apat na element ng pagiging ganap na bansa sa kaalukuyan. At isa na ditto ang ating bansang Pilipinas. Ilan pang lugar sa mundo na maituturing na bansa ay ang Australia, Canada, China, France, Japan, United States of America at United Kingdom.

Ngayon, paano mo sasagutin ang mga sumusunod na mga tanong?

1. Ano ang ibig sabihin ng bansa?
2. Ano ang mga katangian para matawag na bansa ang isang lugar?
3. Bakit nasasabing ang Pilipinas ay isang bansa ?



Pagyamanin

Sa ibaba ay ang isang maikling tula. Basahin mo at bilogan ang mga salitang nagpapatunay na ang Pilipinas ay maituturing na isang bansa.

Pilipinas, Isang Bansa

Ni. Ynnos Azaban

Pilipinas, isang bansa
Tao'y tunay na Malaya
Mayroong namamahala
May sariling teritoryo
Para talaga sa tao.



Isaisip


Tingnan natin ang iyong kakayahan sa gawaing ito.

Panuto: Punan ng tamang sagot ang bawat puwang. Piliin sa kahon ang tamang sagot.

tao	bayani
bansa	panloob
teritoryo	panlabas
pamahalaan	panloob na soberanya
soberanya o ganap na kalayaan	panlabas na soberanya

1. Ang _____ ay lugar o teritoryo na may naninirahang mga grupo ng mga tao na may magkakatulad na kulturang pinanggalingan kaya makikita ang iisa o pare-parehong wika, pamana, relihiyon at lahi.
2. Ang _____ ay tumutukoy sa grupong naninirahan sa loob ng isang teritoryo at gumagalaw bilang isang lipunan. Sila ang bumubuo ng populasyon ng isang bansa.
3. Ang _____ ay tumutukoy sa lawak ng lupain at katubigan, kasama na ang himpapawid at kalawakan sa itaas nito. Ito rin ang tinitirhan ng tao at pinamumunuan ng pamahalaan
4. Ang _____ ay isang samahan o organisasyong politikal na itinataguyod ng mga grupo ng tao na naglalayong magtatag ng kaayusan at mapanatili ang isang sibilisadong lipunan.
5. Ang _____ ay tumutukoy sa kapangyarihan ng pamahalaang mamamahala sa kanyang nasasakupan. Ito rin ay tumutukoy sa kalayaang magpatupad ng mga programa nang hindi pinakikialaman ng ibang bansa.

May dalawang anyo ng soberanya, ito ay ang 6. _____ at 7. _____. Ang 8. _____ ay ang pangangalaga ng sariling kalayan. Ang 9. _____ naman ay ang pagkilala ng ibang bansa sa kalayang ito.



Isagawa

Sa pamamagitan ng gawaing ito ay maipamalas mo ang iyong natutunan na kasanayan at kaalaman.

Gawain I: Basahin ang mga pangungusap. Lagyan ng tsek (/) ang bilang ng pangungusap na nagpapatunay na ang Pilipinas ay isang bansa at ekis (X) kung ito ay hindi.

1. Walang ganap na kalayaan ang Pilipinas.
2. Ang Pilipinas ay gumagamit ng iba't ibang wika.
3. Ang Pilipinas ay hindi maaring pakialaman ng ibang bansa.
4. May mahigit na 100 milyong tao ang naninirahan sa Pilipinas.
5. Paglipat ng lahat ng tao sa Pilipinas patungong ibang bansa.
6. Pagbenta sa kabuo-ang teritoryo ng Pilipinas sa ibang bansa.
7. Wika ng ibang bansa ang ipinapatutupad at sinusunod bilang pambansang wika.
8. Ang Pilipinas ay may sariling teritoryo na binubuo ng mahigit sa 7 100 mga isla.
9. May pamahalaan ang Pilipinas na tumutugon sa mga pangangailangan ng mga mamamayan.
10. Umaasa ang Pilipinas sa desisyong ng ibang bansa ukol sa pamamahala nito.

Gawain II: Isulat mo sa apat na mg kahon ang mga elementong dapat mayroon ang isang lugar para matawag itong isang bansa.

Mga Elemento ng Pagkabansa




Tayahin

Maipapakita mo sa pamamagitan ng pagsubok na ito ang antas ng iyong kaalaman. Halina't ating sukatin ang iyong kaalamn sa araling ito.

Panuto: Isulat ang salitang **TAMA** sa patlang sa bawat bilang ng

pangungusap na nagsasabi ng katangian ng isang lugar
para maituring na isang bansa at **MALI** kung hindi.

- _____ 1. Ang isang bansa ay may sariling pamahalaan.
- _____ 2. Walang sariling teritoryo ang isang bansa.
- _____ 3. Sakop ng ibang bansa ang Pilipinas sa kasalukuyan.
- _____ 4. Pinamamahalaan ng taga ibang bansa ang Pilipinas.
- _____ 5. Isa sa element na makikita sa bansang Pilipinas ang mga mamamayan.
- _____ 6. Binubuo ng tao, pamahalaan at teritoryo lamang ang isang bansa.
- _____ 7. Pinapalakad ng isang pamahalaan ang isang bansa.
- _____ 8. Pinapalipat sa ibang bansa ang mga mamamayan ng Pilipinas.
- _____ 9. Pakikialaman ng ibang bansa ang malayang pamamahala.
- _____ 10. May sariling teritoryo na tumutukoy sa lupain at katubigan kasama na ang himpapawid at kalawakan sa itaas nito.




Karagdagang Gawain

I. Panuto: Basahin at sagutin. Gumuhit ng ★ kung nagsasabi ito ng tamang impormasyon ng isang bansa at gumuhit ng ▲ kung ito ay mali.

1. Tinuturing na isang bansa nag Pilipinas.
2. Pinamamahalaan ng taga ibang bansa ang pamahalaan ng Pilipinas.
3. Ang Pilipinas ay isang bansa na binubuo ng tao, teritoryo, pamahalaan at soberanya.
4. Maituturing na bansa ang Japan dahil kumpleto ito sa apat na element na dapat mayroon ang bawat bansa.
5. Hindi naituturing na isang bansa ang isang lugar kung taga ibang bansa ang nagpapalakad nito.

- II. Ang bandila ng Pilipinas ay isang simbolo ng bansa. Iguhit ang bandila sa papel. Isulat sa itaas na bahagi ang sarili mong pagpapakahulugan ng isang bansa. Isulat sa ibabang bahagi ang nagpapatunay na ang Pilipinas ay isang bansa. Sundin ang nasa ibaba.

	Ang isang bansa ay _____ _____ _____ _____
	Isang bansa ang Pilipinas dahil _____ _____ _____

Source:AP4 pahina7



Susi sa Pagwawasto

Subukin	1. M	2. T	3. M	4. M	5. M	6. M	7. T	8. M	9. M	10. T
---------	------	------	------	------	------	------	------	------	------	-------






Isagawa A	1.X	2.X	3./	4.X	5.X	6.X	7.X	8./	9./	10.X
-----------	-----	-----	-----	-----	-----	-----	-----	-----	-----	------

Pagymanin	1. bansa	2. malaya	3. namamahala	4. teritoryo	5. tao
-----------	----------	-----------	---------------	--------------	--------

Gawain B	1. tao	2. teritoryo	3. pamahalaan	4. soberanya o ganap na kalayaan
----------	--------	--------------	---------------	----------------------------------

Isaisip	1. bansa	6. panloob	2. tao	7. panlabas	3. teritoryo	8. panloob na soberanya	4. pamahalaan	9. panlabas na soberanya	5. soberanya o ganap na kalayaan
---------	----------	------------	--------	-------------	--------------	-------------------------	---------------	--------------------------	----------------------------------

<p>KARAGAGANG GAWAIN II:</p> <p>-Ang isang bansa ay maroon apat na element. Ito ay ang tao, teritoryo, pamahalaan at soberanya</p> <p>- Isang bansa ang Pilipinas dahil ito ay kumpleto sa apat na elemto na mayroon dapat ang bawat bansa.</p>	
---	--

Karagdagang Gawain	
1.	
2.	
3.	
4.	
5.	

Tayahin	1. TAMA
	2. MALI
	3. MALI
	4. MALI
	5. TAMA
	6. TAMA
	7. MALI
	8. MALI
	9. MALI
	10. TAMA

Sanggunian:

- Adriano, M. C. V., Caampued, M.A. C., C.A. Capunitan, W.F. Galarosa, N.P. Miranda, E.R. Quintos. (2015). Araling Panlipunan 4 Kagamitan ng Mag-aaral. Department of Education-Instructional Materials Council Secretariat (DepEd-IMCS).
- Dado, Belen P., R.A. Gozun, R. S. Magsino, M. L. L. Manalo, J. B. Nabaza, E. P. Naval. (2015). Araling Panlipunan 4 Kagamitan ng Mag-aaral. Department of Education-Instructional Materials Council Secretariat (DepEd-IMCS).

For inquiries and feedback, please write or call:
Department of Education – Division of Valencia City
Lapu - Lapu Street, Poblacion, Valencia City 8709
Telefax: (088) 828 - 4615